

ների բովը՝ դժոխքը: Գրախտի և դժոխքի այս հասկացողությունը չար և բարի գործերի համար այս վարձատրության գաղափարը անշուշտ մշակված էր եղել քրիստոնեության հաստատվելուց շատ առաջ, որոշ չափով և զրադաշտական կրոնի ազդեցության տակ: Քրիստոնեության հաղթանակից հետո գրախտի և դժոխքի հասկացողությունը ստացավ նոր գունավորում՝ վերջին դատաստանի պատկերում: Մազե կամուրջի օգնությամբ արդարներին մեղավորներից ջուր կելու հասկացողությունը⁹⁸ մինչև վերջին ժամանակներս ոչ պակաս ուժեղ էր, քան թե վերջին ահեղ դատաստանի քրիստոնեական ըմբռնումը: Շատ բնորոշ պատմություն է պահպանվել Գորիսի բնակչության մեջ: Պատմում են, թե եղել է մի այնպիսի ժամանակ, երբ մեռելին թաղելու համար պետք էր փոխադրեին կամրջով Խորան գետի մյուս ափը՝ գերեզմանատուն: Կամրջի մուտքի առաջ նստած էին լինում գյուղի ծերունիներն ու մեծավորները: Դագազը գետնին վայր դնել տալուց հետո նրանք սկսում էին մեկ առ մեկ քննել հանգուցյալի արարքները: Եթե գտնում էին, որ նա վարել է առաքինի, ողորմաժությամբ լի կյանք, թույլ էին տալիս դիակը կամուրջով մյուս ափը տեղափոխել: Եթե դատաստանի քննությունը հակառակ եզրակացության էր հանգում՝ ննջեցյալի տերերը պետք է դիակը ետ տանեին և նրա հոգու համար այնքան սղորմություն անեին, որ դրանով քաված լինեին նրա հանցագործ լինելը⁹⁹:

Քրիստոնեական հասկացողությունների համաձայն վերջին դատաստանը կտրելու արտոնությունը վերապահված է Քրիստոսին՝ աստծուն, որը կարող է և որոշ հանցագործություններին ներողամիտ վերաբերվել: Այդ ներողամտությունը՝ ողորմաժութությունը առաջացնելու համար ննջեցյալի մերձավորները դիմում էին խոսքի մագիային և աղերսում՝

«Աստված ողորմի այս ինչի հոգուն»:

Հանգուցյալն էլ կոչվում էր ողորմածիկ¹⁰⁰: Խոսքի նույնանման գորությունը մյուս աշխարհ հեռացածների վիճակի վրա ազդելու նպատակով աղերսում էին՝

«Լուս լինի այս ինչի հօքին»:

Հանգուցյալն էլ կոչվում էր լուսահօքի, որպեսզի հակառակ այն բանին, որ այս աշխարհում դեգերող հոգիները շրջում են գիշերվա մթության մեջ՝ այն աշխարհում նրանք ապրեն լույսի մեջ, իրենք էլ լինեն լուսեղեն¹⁰¹, իրենք էլ լույս արձակեն: Գուցե այստեղից է բխում և այն հավատը, որ ամեն մարդ ծնվելիս ունի իր աստղն ու իր արևը: Զանգեզուրցի էլ երգվում է իր արևով՝ արե՛վրս վրկա և պահանջում է դիմացինից ճշմարտության վկայության հաստատում երգվողի արևով՝ արե՛վրտ սիրէս: Խոսքի ճշմարտության վկա արևի հետ բերում էր նաև հոր կամ պապի հոգին, հոր կամ պապի գերեզմանը: Մեկին անբախտություն է պատահում՝ արևը խավարում է: Մարդը ծնվում է, լավ կամ վատ աստղով. բախտավորը՝ լավ աստղով. հովանավարվող է ծնված, մարդը մեռնում է—նրա աստղն էլ թեքվում է՝ խավարում, ընկնում է երկնքից:

⁹⁸ Կամրջի օգնությամբ ննջեցյալների հոգիները դատի ենթարկվելու հավատը տարածված է բազմաթիվ պրիմիտիվ ժողովուրդների մեջ, օրինակ՝ Հյուս. Ամերիկայի հնդկացիների մեջ, որոնք արիությունից զուրկ և ռազմական գործում երկշտ մարդկանց հոգիները համարում էին դատապարտված մշտական թափառումների ննջեցյալների աշխարհից զուրս: Անդ., էջ 411:

⁹⁹ Մյուս աշխարհ հեռանալիս քննության ենթարկվելը լայն ծավալ էր ստացել եգիպտոսում և մանրամասնություններով ներկայացված է պապրուսների և որմնանկարների վրա:

¹⁰⁰ Արեղյան Մ., Der armenische Volksglaube, էջ 22, ողորմածիկ բառը բացատրում է որպես ողորմություն տված մեկը:

¹⁰¹ Հմմտ. հեթանոսների մեջ լույս և մութ աշխարհների հակադրությունը: